

Situs.

Soli fertilitas.

Animalium va-
rietas.

Mare.

Imperium majo-
rum.Incolarum virtus
Opida.Gerzey.
Nomina.

Ex hac situs vicinitate, & nominis affinitate *Veſtam* hanc *Iſtam* eſſe opinari licet, quæ maris fluxu Inſula vide-
batur, at cum reſluxiſſet, exiccato interjecto littore, Britanni priſci curribus eo ſtannum devehere ſolebant,
quod in Galliam exportaretur. *Miſtim* tamen eſſe Plinii, quæ arſtaitem cognatione *Veſtam* attingit, non ju-
dicarim, cum in ea candidum plumbum proveniret, & in hac nulla ſit, quod ſciam, Metallī vena, inquit Cam-
denus. Hæc inter Ortum & Occaſum lenticulari ſive ovali figura viginti mill. paſſ. longitudine exporrigitur,
latitudine vero in media qua maxime patet x i i mill. paſſ. expanditur, altero latere ad Boream, altero ad Au-
ſtrum converſo. Terra eſt uberi glebæ & colono admodum grata, adeo etiam ut fruges exportet; Cuniculorum,
Leporum, Perdicum & Phaſianorum paſſim ferax: ſaltum etiam & vivaria duo habet, Damis ad venationis vo-
luptatem reſertum. Per medium longo tractu procurrunt colles qui Ovibus pabula aſſatim profundunt. Qua-
rum lanæ poſt vellus Lemſterianum & Cotteſwoldianum optimæ habentur, & inprimis pannariis expetuntur,
unde maximum ſurgit Incolis lucrum & commodum. Pars Septemtrionalis pratis, paſcuſ & ſilvis viret; Au-
ſtralis frumentariis quaſi tota jacet campis, ubique foſſis & ſepibus intercluſa. In extrema utrinque parte Mare
a Boreali plaga ita ſe inſinuat & penetrat, ut duas fere efficiat Inſulas, & Inſulæ ſane Incolis vocantur, ſcilicet
quæ ad Occaſum proſpicit *Freſhvvater Yle*, quæ ad Ortum *Binbrydg Yle*. In Romanorum poteſtatem primus
hanc Inſulam redegit Veſpaſianus dum privatus ſub Claudio meruit, quemadmodum de eo ſcribit Suetonius
in Veſpaſiano. Saxonum vero primus Cerdicius juris ſui fecit, conceſſitque *Stuffæ* & *Whitgaro*, qui Britan-
nicos Incolas ad internecionē ſuſtulerunt; inde Wolpherus Merciorum Rex *Veſtam* in ſuam poteſtatem re-
degit, & Edelwalcho Auſtraliū Saxonum Regi tribuit. Poſtea Cædwalla Occidentalium Saxonum Rex Edel-
walcho illo occiſo, & Arvando Inſulæ Regulo ſublato, ſuo imperio adjunxit. Sed de his plura vide apud Camde-
num. Incolæ natura bellicoſiſſimi & promptæ audaciæ, militeſque ſtrenuiſſimi. Bæ ætate mille ducentarum
familiarum Inſula cenſebatur, nunc triginta ſex opida, vicos & caſtella numerat. Inter Opida celebriora ſunt
Newport primariū Inſulæ emporium, olim *Medena* & *Novus Burgus de Meden*, unde tota regio in *Eaſtme-*
den & *Westmeden* dividitur, ut hinc vel Ortum vel Occaſum reſpicit. *Brading* alterum opidum mercatorium,
Newton & *Yarmouth* quæ ſuos habent *Majores*, & *Burgenſes* ad Comitita Parliamentaria mittunt. *Yarmouth*
hæc & *Sharpnore* caſtella habent, quæ cum *Worſleys* propugnaculo littus ad Occaſum æſtivum defendunt. Qui-
bus ex oppoſito vix duorum milliariū interſtitio objacet *Hurſt* linguæ impoſitum Hantonenſis Comitatus
muminentum. *Quarre* ubi virginibus velatis monaſteriolum anno 1132 poſitum; *Gods Hill* ubi ad ingenia ex-
colenda Scholam inſtituit I. Worſley. *Westcove* & *Eastcove* jam ruinoſum, quæ in faucibus Neoportus Hen-
ricus VIII conſtruxit. Et ad Ortum æſtivum *Sandham* caſtrum tormentis majoribus, ut cætera inſtructa. Nec
naturæ defendentis munimenta deſunt, rupibus enim abruptis continua ſerie præcingitur, ſubſuntque occul-
ta ſaxa. Atque hæc duæ Inſulæ littori Angliæ adjacent. Magis ad Occaſum nonnullæ Inſulæ Gallicæ prætentæ,
Anglici tamen juris in alto apparent; inter quas *Gerzey* & *Garnzey* primumque Normanniæ, ſive Lexobiorum
littori quos Britanni noſtri *Lettaw*, quaſi littorales vocant, *Cæſarea* ab Antonino memorata adjacet, quam
Galli